



Barnaamujka makhaayada- iyo raashinka

SOMALISKA

Barnaamujka makhaayada- iyo raashinka waa barnaamuj xirfadeed oo lagu qaadanaayo shahaado xirfadeed.

Barnaamujka makhaayada- iyo raashinka wuxuu ku habboonyahay qofkii rabo in uu ka shaqeeyo cunto-karis, soo dhigidda cuntada iyo soo saaridda raashinka.

Shaqada waxaad bilaabi kartaa toos marka aad waxbarashada dhameysid ama waxaad aadi kartaa jaamacadda xirfadaha, oo waxbarashadaada ku sii wada kartaa. Waxaa kale aad doorankartaa in aad koorsooyin dheeraad ah akhrisatid si aad jaamacadda u aadid.

SADEX JIHO OO KALA DUWAN

Dukaanka rootiga iyo dukaanka macmacaanka

- Waxaad wx ka baran doontaa ka shaqeynta dukaanka rootiga iyo dukaanka macmacaanka. Jihadu waxa ay ku siineysaa fursad aad uga shaqeysid shaqo oo tusaale ahaan ah rooti iyo keeg sameeye iyo sameeyaha macmacaanka.

Alaabta cusub, macmacaanka iyo soo dhigidda cuntada

- Waxaad wax ka baran doontaa raashinka, wax gaddiida, doorashada cuntada ceyriinka ah, cunto-kariska, cabitaanada, miiska goglidda iyo qorsheynta. Jihadu waxa ay ku siineysaa fursad aad uga shaqeysid shaqo oo tusaale ahaan ah alaabta cusub iyo macmacaanka.

Kushiinka iyo soo dhigidda cuntada

- Waxaad wax ka baran doontaa cunto-kariska makhaayadaha, soo dhigidda cuntada iyo ka shaqeynta baarka. Jihadu waxa ay ku siineysaa fursad aad uga shaqeysid shaqo oo tusaale ahaan ah cunto-kariye, cunto soo dhigdhige iyo kabaryeeri.

Waxaan baad barnaamujka ku baran doontaa

waxaad wax ka baran doontaa shaqo gacmeedka dhaqan ahaaneed iyo shaqo gacmeedka casriga ah, soo saaridda raashinkacunto-kariska, cunto soo dhigidda, xilliga cuntada gebbi ahaanba, wax gadidda, adeegidda, nadaafadda, wax soo saarka ganacsiga, cuntada khaaska ah iyo soo dhigidda khamriga. Waxaad baraneysa qorsheynta, abaabulidda, dhaqaalaha iyo shirkadeynta. Waxaad horumarin doontaa awoodaada soo dhaweynta macmiisha iyo u adeegidda.

Barnaamujka waxaa miisaanka la saarayaa su'aalaha ku saabsan deegaanka shaqada si ooga hortago dhaawacyada shaqada iyo si loo dhiso caafimaad fiican.

Sidaan buu barnaamijku u diyaarsanyahay

Barnaamijka xirfadeed maadooyinka dugsiga sare oo wadajirka loo leeyahay waa: ingiriis, taariikh, ciyaaraha- iyo caafimaadka, xisaabta, cilmiga sayniska,

cilmiga diiniga, cilmiga barashada mujtamaca, iswiidhishka ama iswiidhishka oo luuqadda labaad ah. barnaamijka xirfadeed waxaad akhrisan doontaa maadooyin xirfadeed oo badan, oo loo yaqaano maadooyinka sifooyinka, iyo maadooyinka aad ku soo dhigatay dugsiga aasaasiga ah oo yaraaday.

Maadooyinka sifooyinka wadajirka loo leeyahay ee barnaamijka waa: cilmiga nadaafadda, cilmiga raashinka- iyo nafaqada, cilmiga xilliga cuntada- iyo faracyada, adeegidda iyo soo dhaweynta.

Waxaad fursad u helaysaa in aad ku takhasustid oo aad cilmi dheeraad ah u yeelatid barnaamijka. Waxaa taas la dhahaa si qoto dheer ah barnaamijka loo galo. Iskoolka ka wareyso maadooyinka si qoto dheer ah loo sii galayo oo ay soo bandhigayaan.

Sidoo kale waxaad leedahay doorasho gaar ahaaneed oo aad dooran kartid waxa aad akhrisaneysid. Iskoolka weydii koorsooyinka ay heystaan.

Habka shaqada

Barnaamujka waxaad ku baran doontaa la wada shaqeynta dadka kale iyada oo aan loo eegin jinsigooda, aasaaska dhaqankooda, sanadkooda, booskooda iyo awoodooda xirfadeed. waxaad baraneysaa wax bilaabidda, is waafajinta xaaladaha kala duwan, wax maqalka, wax cusub soo saaridda iyo u shaqeynta si madaxbannaan. Waxaad qorsheyneysaa, gudagelaysaa oo aad hubineysaa tayada shaqada.

Shaqada dugsiga sare

Dhamaadka barnaamujka makhaayada iyo raashinka waxaad suubineysaa shaqada dugsiga sare oo waxaad ku suubineysaa goobta xirfadeed aad dooratay. Markaas waxaad muujineysaa in aad heshay cilmiga loo baahanyahay si loo bilaabo in lagu shaqeysto waxa aad baratay.

Shaqo gacmeed

Qeybab waxbarashada ka mid ah waxaa la dhigan doonaa ugu yaraan 15 isbuuc waxaana lagu dhiganan doonaa hal goob oo shaqo ama goobab badan oo shaqo, waxaana la dhahaa tababarka shaqada (apl). Waana qeyb muhiim ah oo ka mid ah waxbarashada. Apl wuxuu ku siinayaa waayo aragnimo iyo xidhiidhyo oo aad ka faa'iideysan kartid marka aad shaqo raadsaneysid.

Waxbarashada tababartaha

Barnaamujka dhexdiisa waxaa jirto fursad lagu doorto waxbarasho tababarte oo dugsiga sare ah. Taas micnaheedu waa in aad helaysid isku cilmi laakiin ugu yaraan waxbarashadaada barkeed waxaad ku suubineysaa hal meel ama meelo badan oo goob shaqo ah.

Arrin in lagu fikiro u baahan

Haddii aad rabtid u qalmida jaamacadda waxaa muhiim ah in aad qorsheysatid daraasooyinkaada. Doorashada gaarka ah baad ka faa'iideysan kartaa, waxaadna u baahantahay in aad akhrisatid barnaamuj la kordhiyay. Waxaad u baahantahay in aad akhrisatid labo koorso oo dheeraad ah, waa koorso oo iswiidhish ah ama iswiidhish oo luuqadda labaad ah iyo koorso ingiriis ah. Waa ay fiicantahay in lala hadlo macallinka xirfadaha- iyo waxbarashada, haddii aad rabtid in aad jaamacad aadid.

Markasta waxaad xaq u leedahay, doorashada gaarka ah dhexdeeda, in aad dooratid koorso sii dheer oo ciyaaraha- iyo caafimaadka ah iyo koorso bilic ah.